

云
间
志

二

〔宋〕

杨潜修

朱端常

林

至

胡林卿纂

云间志

二



方志出版社

云间志(点校本)

编者：上海市松江区地方史志办公室

责任编辑：卫家雄

出版者：方志出版社

(北京市建国门内大街5号中国社会科学院科研大楼12层)

邮编 100732 网址 <http://www.fzph.org>

发行：方志出版社出版发行部 (010)85195814 85196281

经销：新华书店总店北京发行所

法律顾问：北京市大禹律师事务所

印刷：华宝斋富翰文化有限公司

开本：290×185 1/16

印张：1650×650mm 1/8 20.5

字数：86千字

版次：2008年8月第1版 2008年8月第1次印刷

印数：0001—1000册

ISBN 978-7-80238-320-3/K·52

定价：200.00元

· 版权所有 翻印必究 ·

图书在版编目(CIP)数据

云间志：校点本/上海市松江区地方史志办公室编.


北京：方志出版社，2008.7

ISBN 978-7-80238-320-3

I. 云… II. 上… III. 松江区-地方志-南宋 IV. K295.13

中国版本图书馆 CIP 数据核字(2008)第 098675 号

ISBN 978-7-80238-320-3



9 787802 383203 >

赋

怀土赋^①

陆机

余去家渐久，怀土弥笃。方思之殷，何物不感？曲街委巷，罔不兴咏；水泉草木，咸足悲焉，故述斯赋。

背故都之沃衍，适新邑之丘墟。遵黄川以葺宇，被苍林而卜居。悼孤生之已晏，恨亲没之何速。排虚房而永念，想遗尘其如玉。眇绵绵而莫覩，徒伫立其焉属。感亡景于存物，惋隤年于拱木。悲顾眄而有余，思俯仰而自足。留兹情于江介，寄瘁貌于湘^②曲。玩通川以悠想，抚归涂而踟躅。伊命驾^③之徒勤，惨归途之良难。愍栖鸟于南枝，吊离禽于别山。念庭树以悟怀，忆路草而^④解颜。甘菹荼于飴苾，纬萧艾其如兰。

神何寢而不梦，形何兴而不言。

诗

赠从兄车骑诗

李善注曰：陆士光⑤

陆机

孤兽思故藪，离鸟悲旧林。翩翩游宦子，辛苦谁为心？仿佛谷水阳，婉变昆山阴。营魄怀兹土，精爽若飞沈。寤寐靡安豫，愿言思所钦。感彼归涂难^⑥，使我怨慕深。安得忘归草，言树背与襟。斯言岂虚作，思鸟有悲音。

奉和皮日休吴中即事

陆鲁望

风清地古带前朝，遗事纷纷未寂寥。

三泖凉波渔钓动

远祖士衡对晋武帝，以三泖冬温夏凉

五茸春草雉媒娇

五茸，吴王猎所，茸各有名

云藏野寺分金刹，月在江楼倚玉箫。不用怀归

忘此景，吴王看即奉弓招。

回⑤自青龙呈谢师直

梅圣俞

共君相别三四年，岩岩瘦骨还依然。唯须⑥比旧多且黑，学术久已不可肩。嗟予老大无所用，白发冉冉将侵顛。文章自是与时背，妻儿啼无一钱。幸得诗书销白日，岂顾富贵摩青天。而今饮酒亦复少，未及再酌肠如煎。前夕与君欢且饮，饮才数盏我已眠。鸡鸣犬吠似聒耳，举头屋室皆左旋。起来整巾不称意，挂帆直走沧海边。便欲骑鲸去万里，列缺不借霹雳鞭。气沮心衰非⑦欲睡，梦想先到蕲洲前。愿⑧君无复更留醉，醉死谁能似⑨滴仙。

逢谢师直

梅圣俞

昔向^⑤南阳道中别，今向华亭水上逢。把酒语君悲白日^⑥，流光冉冉去无踪。

华亭十咏

唐询

华亭本吴之故地，昔附于姑苏。佩带江湖，南濒大海，观望之美焉。历吴、晋间，名卿继出，风流文物，相传不泯。闾里所记，遂为故事。景祐初元八月，予被诏为县。至部，且一年，而囹圄多囚系，簿书婴期会，羸没朝夕，精疲意殆，凡山川风物在境内者，未尝一日而讲求焉。粤今秋，邑人有讼古泖湖者，持旧图经，诣庭以自直，因得而究之。凡经所记，土地、人物、神祠、坟墓，所言甚详。行部之余，辄至其地，因里人而

咨焉，多得其真。代异时移，喟然兴叹。即采其尤著者，为十咏，皆因事纪实，按图可见，将以志昔人之不朽，诚旧俗之所传云尔。

顾亭林

顾亭林湖，在东南三十五里。湖南又有顾亭林。相传陈顾野王居此，因以为名焉。

平林标大道，曾是野王居。旧里风烟变，荒原草树疏。湖波空上下，里閭已丘墟。往事将谁语？凄凉六代余。

寒 穴

金山北有寒穴，清泉出焉，其味甘香。

绝顶干云峻，寒泉与穴平。还同帝台味，不学陇头声。夜雨遥源涨，秋风颢气清。谁云蔗浆美，才可析朝醒。

吴王猎场

在华亭谷东，吴陆逊生此。子孙尝所游猎，后人呼为陆机茸。今其地为桑陆

昔在全吴日，从禽耀甲戈。百车尝载羽，一目旧张罗。地变柔桑在，原荒蔓草多。思人无复见，落日下山坡。

柘湖

在县南七十里。湖中有小山，生柘树，因以为名。《吴越春秋》：海盐县沦没为柘湖。《吴地记》：秦时有女，人湖为神。今其祠存。

世历亡秦远，湖连大海濒。柘山标观望，玉女见威神。渺渺旁无地，滔滔孰问津？何年化鱼鳖？仿佛历阳人。

秦始皇驰道

在县西北，昆山南四里。相传有大冈路，西通吴城，即驰道也。

秦德衰千祀，江滨道不修。相传大堤在，曾是翠华游。玉趾如将见，金椎岂复留。怅然寻旧迹，蔓草蔽荒丘。

陆瑁养鱼池

在县西，今名瑁湖。或云：即陆瑁所居，相传有宅基存焉。

代异人亡久，滟池即旧居。未移当日地，无复故时鱼。蒲藻依稀在，风波浩荡余。水滨如可问，一为访庭除。

华亭谷

在县南，紫衍三百里，入松江。

深谷弥千里，松陵北合流。岸平迷昼夜，人至竞方舟。照月方诸泣，迎风弱荇浮。平波无限远，极目涨清秋。

陆机宅

华亭谷水东，有昆山，相传即其宅。陆机诗云：「仿佛谷水阳，婉娈昆山阴。」今其地存焉。

旧谍传遗址，悠然历祀深。人无令威至，门异下邳箴。谷水当年溜，昆山昔日阴。鲁堂那复见，丝竹若为寻？

昆山

华亭谷东二里有昆山，陆机祖葬于此。因生机云，时人以昆山出玉，因名此山，以美机，云焉。

昔有人如玉，兹山得美名。岩扃锁积翠，谷水断余声。乔木今无在，高台久已倾。如何嵩岳什，独咏甫侯生？

三女冈

在县东南八十里。相传吴王葬女，为三女冈于此。

淑女云亡久，哀丘尚著名。九原谁可作？千载或如生。青骨何时化？荒榛此地平。空余图谍在，不复启佳城。

顾亭林

野王所居也

王介甫 安石

寥寥湖上亭，不见野王居。平林岂旧物，岁晚空扶疏。自古圣贤人，邑国皆丘墟。不朽在名德，千秋想其余。

寒穴^②

神泉冽冰霜，高穴与云平。空山渟千秋，不出呜咽声。山风吹更寒，山月相与清。北客不到此，如何洗烦醒。

吴王猎场

吴王好射虎，但射不操戈。匹马掠广场，万兵助遮罗。时平事非昔，此地桑麻多。猛兽亦已尽，牛羊在田坡。

柘湖

湖中有山，生柘，故名。《柘湖记》云：秦有女，入湖为神。今有庙。

柘林著湖山，菱叶蔓湖滨。秦女亦何事，能为此湖神？年年赛鸡豚，渔子自知津。幽妖窟险阻，祸福易欺人。

始皇驰道^⑤

穆王得八骏，万事得其修。茫茫千^⑥载间，复此好远游。车轮与马迹，此地亦尝留。想当治道时，劳者尸如丘。

陆瑁养鱼池

野人非昔人，亦复水上居。纷纷水中游，岂是昔时鱼？吹波浮还没，竟食糟糠余。吞舟不可见，守此岁月除。

华亭谷

水行三百里，^⑦入松江

巨川非一源，源亦在众流。此谷乃清浅，松江能覆舟。虫鱼何所知，上下相沉浮。徒嗟大盈北，浩浩无春秋^⑧。

陆机宅

故物一已尽，嗟此岁年深。野桃自著花，荒棘徒生箴。^⑤芊芊谷水阳，郁郁昆山阴，俯仰但如昨，游者不可寻。

昆山

世传陆氏家生机云，故名昆山，言生玉也。

玉人生此山，山亦传此名。崖风与穴水，清越有余声。悲哉世所珍，一出受欹倾。不如鹤与猿，栖息尚全生。

三女冈^⑤

自古世上雄，慷慨擅功名。当时岂有力，能使死者生。三女共一丘，此憾亦难平，音容若有作，无乃^⑤倾人城。

云间，唳鹤之乡也，得名旧矣。前人故迹，多有存者。寥寥千古，断碑残刻，不可稽证。唐公彦猷昔宰是邑，得记籍于编氓，遂即事物之尤者，赋为十咏。相国舒王从而和之。观其立言措意，发挥形容，岂务斗缉，为一时绮语而已。抚事兴悲，该含教化，使志士高人，过而玩阅，殆有深思遐想，不能自己者，诚足嘉矣！历年滋久，衰次在后，或未之见。逮今府座检讨毛公，好古博雅，得泉寒穴，序而铭之。取斯咏，载其间，余姑求诸别集而得焉。且念唐公之作，刊示庭庑既久，而此独无传，抑亦文物之阙事。故书之翠珉，以示方来，庶几海滨之邑，自是增光焉尔。权知县事徐汲记。

青龙海上观潮

梅圣俞

百川倒蹙水欲立，不久却回如鼻吸。老鱼无守随上下，阁向沧洲空怨泣。摧^⑤鳞伐肉走千艘，骨节专车无大及。几年养此膏血躯，一旦翻为渔者给。无情之水谁可凭？将作寻常自轻人。何时更看弄潮儿，头戴火盆来就湿。

顾亭林

梅圣俞

乡村空林木，不见古人居。犹寻古人迹，更与古人疏。昔为贤豪里，今亚芦苇墟。湖边夜夜月，光彩波上余。

寒穴

山头寒泉穴，净若镜面平。熨齿敲冰冷，贮瓶微玉声。傍有野鹿